

Tenki Tenki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashonal Komishon fo Demokrasi en Yuman Rayt na dem put dis Deklareshon na wi yon Sa Lon languej dem.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Bokor we tayp

Di Stetment Bot Di Rayt Den We olman na Di Wol Fo Get

Wetin Kam Bifo (Introdkshon)

Soso we if wi sabi en gri se if olman get inseh yon respekt, i ikwal en get di sem rayt lek eni oda posin oloba di wol, den di wanol wol sef go get fridom, jostis en pis; as tij den we wiked pasmak don apin bikos pipul dem no wan fo gri se olman ikwal.

Di tij we di komon man want pas oltin na di wol tide na fo mek evribodi ebul fo se wetin i fil, o tink bay aw tij de bi, fo biliv wetin i want fo biliv en get benifit from ol wetin i nid, wit kolat.

If man fo liv wit kolat en no get fo de fet fo in yon yon rayt, den i impotant fo mek di lo protekt da rayt de;

Na semweso i gud fo le kolat en frenship de bitwin neshon en neshon den.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man o uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di memba kontri den na di Yunayted Neshon don gri fo joyan en mek sho se den go get fridom, jostis en pis sote go.

Fo mek dis wanwod ol wata oloba di wol, evribodi foondastand wetin den rayt en den fridom, jostis en pis yaso min.

so, le wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fowl kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oloba di wol pipul den go get fridom, jostis en pis.

Atikul Wan

evribodi bon fri en get in yon rayt, non wan no pas in kompin. Wi ol ebul fo tink en fenot wetin rayt en ron pantap dat wi fo sabi aw fo liv lek wan big famili.

Atikul Tu

evribodi fo get di sem rayt en fridom we dis stetment tok bot, no mata weda in na wetman o blakman, man o uman, bukman o yu no sabi rid en rayt, poman o moniman, kristien o muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best develop kontri na di wol.

Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

Atikul Fo

Nobodi no fo mek in kompin in slev – dis, denitij sef we fiba am fo tap.

Atikul Fayv

Nobodi no fo mek in kompin sofa bita wiked pen na bodi o shem sote i los da in yon yon respekt.

Atikul Siks

evribodi get rayt fo mek pipul den respekt am as motalman enisay na di wol en, sef, fo mek di loep am get dis respekt.

Atikul Sevin

evribodi ikwal en di lo fo ebul protekt eniwan wantem we oda pipul den na trit wan du am wetin in motalman rayt no gri fow if bad pipul se oda wan agens am.

Atikul Et

evribodi we tink se den don go agens in rayt we dis stetment tok bot, fo ebul get ol di ep we i nid from eni kotos we get pawa na in kontri.

Atikul Nayn

Nobodi no fo arest, jel o dreb eni posin komot na in yon kontri jes bikes i fil fo du so.

Atikul Ten

enibodi we den arest fo tij we i du agens di lo, fo get ful protekshon from Loya den we go tinap fo am na kotos.

Atikul Ilevin

enibodi we den ker go kot fo tij we den se i du agens di lo fo get di rayt fo se in no du da tij de en di kot fo biliv am. I go lef wit di kot naw fo pruv se i du am na poblik trayal usay inseh go get in yon Loya den we go fet in kes fo am.

Nobodi no fo pas jojment se posin gilty o iponish da posin de fo lek big ofens we pas wetin i du e sef, we notofens insay in yon kontri oda kontri den na di wol.

Atikul Twelv

Nobodi no get rayt fo intafia as i lek wit oda posin in kolat, in fambul, in om en in leta den we oda pipul rayt to am, o ivin tray fo pwel in gudnem o in respekt. Di lo fo protekt evribodi fo den kanaba molesteshon yaso.

Atikul Totin

evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri deniwan pan di kontri den na di Yunayted Neshon en ton bak kam na in yon kontri we i pliz.

[Missing?]

Atikul Fotin

enibɔdi we tink se in layf de pan denja get di rayt fɔ aks mek den alaw am, en in fɔ get da pamishɔn de fɔ tap na eni ɔda kontri na di wol. Bot, if di rizin we mek da pɔsin de wan kɔmɔt na in kontri go tap ɔdasay no get natin fɔ du with pɔlitiks, ɔ na tiŋ we di Yunayted Neshɔn stetment de agens, den i no go get da rayt de.

[Missing?]

Atikul Fiftin

evribɔdi get rayt fɔ get wan kontri we i go kɔl in yon.

Nɔbɔdi no get rayt, jes bikɔs i fil so, fɔ, mek sɔmbɔdi no ebul fɔ kɔl in kontri in yon igen, en, pantap dat, nɔbɔdi no get da pawa de fɔ tap enibɔdi we want fɔ chenj di kontri we i go kɔl in yon.

Atikul Sikstin

Eni man en uman we dɔn ɔfej, no mata if den tu no to di sem trayb, kola ɔ rilijɔn, get di rayt fɔ mared, bɔn pikin en bigin den yon famili. Den fɔ get di sem rayt as maredman en mareduman, ivin if di mared brok sef.

Fɔ mek di mared get minin, di man en di uman fɔ no plen wan wetin den de du en den fɔ gri fɔ bi man en wef.

[Missing?]

Atikul Sevintin

evibɔdi get rayt fɔ get prɔpati fɔ inseq ɔ fɔ jɔyn wit ɔda pipul den en get di prɔpati.

Nɔbɔdi no fɔ tek eni pɔsin in yon prɔpati kɔmɔt na in an we i jes fil nɔmɔ fɔ du so.

Atikul Etin

evibɔdi get rayt fɔ tink aw i want, fil aw i want bot enitin we de apin enisay, en jɔyn eni grup ɔ chɔch ɔeni ɔda God wok fɔ prez God di we i fil, igen sef, i fri fɔ chenj in grup ɔ chɔch en ivin di we aw i fil bot God; pantap dat, i fri fɔ wɔship in wangren ɔ wit ɔda pipul den na pɔblik ɔ prayvet.

Atikul Nayntin

evribɔdi get rayt fɔ tink wetin i fil en fɔ se wetin i fil. Dis min igen se nɔbɔdi no fɔ ambɔgin eni ɔda pɔsin bikɔs ɔf wetin i fil ɔ biliv. I get di raty fɔ sho, tɔk bot, fala ɔ ivin tich wetin i biliv to ɔda pɔsin den, ilek usay ɔ uskayn we i pas di wod.

Atikul Twenti

evribɔdi fri fɔ bi memba ɔf eni grup we i chuz wans nɔmɔ den no de du enitiŋ de fɔ briŋ ambɔg ɔ trɔbul na di kontri.

Nɔbɔdi no fɔ fos eni pɔsin fɔ jɔny eni grup we i no want fɔ jɔyn.

Atikul Twenti Wan

evribɔdi get rayt fɔ du wetin i ebul du fɔɛp di gɔvament ɔf in kontri. I kin du dis if i wok wit di gɔvament ɔ if i vot fɔ pipul den we go wok wit di gɔvament.

evribɔdi get di sem rayt fɔ yuz ɔl gɔvament prɔpati we de fɔ di pɔblik.

Wetin di pipul den want nain di gɔvament fɔ du. Di pipul den go sho wetin den want we den wan we dɔn big du fɔ vot go vot na jenaral ilekshɔn frɔm tem to tem. Nɔbɔdi no fɔ fos den, nɔbɔdi no fɔ tap den fɔ fri fɔ vot usay nɔbɔdi no go si den, en fɔ udat den want.

Atikul Twenti Tu

evribɔdi get rayt fɔɛkspekt in kontri fɔ protekt am en gi am chans fɔ divelɔp inseq enisay en bi sɔmbdi wit respekt en we go ebul inseq pan wok ɔ biznes ɔ stɔdi te in kontri kin si am as wan pɔsin we fɔ abop pan.

Atikul Twenti Tri

evribɔdi get rayt fɔ wok, fɔ du di wok we i lek en fɔ get gud pe fɔ di wok we i de du.

evribɔdi fɔ get di sem pe fɔ di sem wok.

evribɔdi we de wok get rayt fɔ get di kayn pe we go mek in en in famili ebul fɔ liv lek nɔmal mɔtalman den, en if i posibul sef, den kin get ɔda kayn ep fɔ mek layf bete fɔ den.

evribɔdi get rayt fɔ form tred Yunion ɔ jɔyn an as wokman ɔ wokuman fɔ mek nɔbɔdi no tinap pan den rayt na di wokples.

Atikul Twenti Fɔ

evribɔdi get rayt fɔ rest en rilaks in bɔdi, insay dat, den fɔ rest afta den dɔn wok dɔn evride. Pantap dat, den fɔ get tem we den go go ɔlide (evri ia liv) en get den pe fɔ da liv tem de.

Atikul Twenti Fayv

evibɔdi get rayt fɔ liv di kaynaba layf we go mek in en in famili den no sik, i fɔ ebul get tin fɔ it, klos, os, meresin en i fɔ ebul abop se if tiŋ bad fɔ am na layf, leke i sik, in patna ɔ pikin sik, i lef wok, day mit am ɔ i kam ɔl tumsɔs, i go get ep frɔm di gɔvament.

Lili pikin en mami we get pikin get rayt fɔ get speshal ep en dis ep no fɔ difren ivin if nɔto di maredwef ben di pikin. Maredwef pikin en switat pikin fɔ get di sem tritment en benifit ɔlsay.

Atikul Twenti Siks

evribɔdi get rayt fɔ get edyukeshɔn; elimentri en praymari fɔ bi fri, en elimentri en praymari edyukeshɔn fɔ bi bay fos, bay kɔmpel. enibɔdi we want, kin get di kayn edukeshɔn we go tren am fɔ speshal jab den. Yunivasiti edyukeshɔn go de fɔenibɔdi we want am, en we fit fɔ get am.

edyukeshɔn go tren di lana fɔ gro fɔ respekt di rayt en fridɔm we ɔda pipul den get. I go mek pipul den ebul fɔ liv togeda no mata weda den de na di sem kontri ɔ sɔm bi frɔm ɔda kontri, weda den get di sem kola ɔ den ivin jɔyn di sem rilijɔn; dis go ep mek di Yunayted Neshɔn den wok fɔ get pis en kolat ɔlsay na di wol izi.

Na di mami en di dadi fɔ disayd uskayn edyukeshɔn den pikin fɔ get; if den no ebul ɔ den no de, den, ɔda pɔsin kin du am.

Atikul Twenti Sevin

evribɔdi get rayt fɔ tek pat pan ɔl den kaynaba aktiviti we blant in kontri leke di siŋen dans, di dresin en di pichɔ drɔin den we de sho tiŋ den bot in kontri. I get di rayt igen sef fɔ tek pat en benifit frɔm di gud tiŋs den we sayens dɔn briŋ kam na in kontri.

evribɔdi get rayt fɔ kip en enjoy as in yon enitin we inseq fenɔt, du ɔ rayt insay sayeens, raytin drama ple aktiŋ.

Atikul Twenti Et

evribɔdi get rayt fɔ benifit frɔm grup we get pawa ɔloba di wol fɔ mek sho se evribɔdi go enjoy den rayt en fridɔm den we dis stetment tok bot.

Atikul Twenti Nayn

evribɔdi get in yon wok we in fɔ du na in sosayti fɔ mek sho se i go liv api en ful layf insay de.

We posin de tray fɔenjoy in rayt den en in fridɔm den na sosayti, i fɔ memba se di lo de fɔ mek sho se i memba se oda posin densef get den yon rayt en fridɔm we i fɔ respekt so dat oda en kolat go de ɔlobɔt (ɔlsay).

Den rayt en fridɔm den ya we de na dis stetment we komɔt na Yunayted Neshɔn na fɔ mek pipul den get pis en kolat na den kontri. Nɔbɔdi nɔ fɔ tray fɔ mek pipul den fɔ get oda tin pas dat.

Atikul Tati

Natin nɔ de insay pan den stetment yaso we min bad fɔeni posin ɔ grup ɔf posin insay eni kontri so, mek nɔbɔdi nɔ fil dat.